



«Gjoele, Gjoele» al clamâ cun vôs malcierte Meni a la massarie dal predi, «dulà isal il plevan?»

«Ce âstu di fâ dal plevan», i rispuindè la femine cun malegracie.

«O varès di domandai s'al à mandât indenant la domande di beatificazion ch'a i ai fevelât», i disè Meni che al steve in pîts cun fature su lis gjambis clopadicis.

Al veve bielzà bevuçât un par di tais par gulizion, nuie di straordenari par un che di zovin al butave jù un caratel e al faseve ancjemò "il cuatri" cu li gjambis cence scomponisi. Biei timps chei là vie, e invezit cumò i bastavin doi tais par lâ fûr di batecul e scomençâ a scampanotâ.

«Ce fufigne saressie cheste ca, che jo no sai nuie»

«Son robis jenfri me e il plevan ....»

«Po ben, se jo a no ai di savê nuie, valu a cirî tu» i disè ofindude Gjoele.

«Bon, s'a tu la cjapis cussì, ti disarai che o ai domandât in confession al plevan se la Glesie a pues fâ sant un om di vîf».

«E cui saressial chest sant om».

«Al è un ch'al fâs miracui cul vin, parcè che a lu bêf neri e lu pisse blanc».

«Brut schifôs, sono robis di domandai a un predi chestis ca!»

«E a cui varessio di domandai se no a lui, brute strie, ti cjalistu mai tal spieli a buinore».

«Cjochele ch'a no tu sês altri, va dilunc a cjase s'a tu rivis a stâ in pîts.»

«Sâstu ce ch'a ti dîs: a mi la cjoche doman mi passe, ma tu a tu romparâs spielis par dute la vite, brute come ch'a tu sês».

***di Bepi Zefon***